

Swahili - Rohoni Maandiko - Soul Scriptures

Matayo 11:28-30 Njoni kwangu ninyi nyote msumbukao na kulemewa na mizigo, nami nitawapumzisha. 29 Jifungeni nira yangu, mkajifunze kwangu, maana mimi ni mpole na mnyenyekevu wa moyo, nanyi mtatulizwa rohoni mwenu. 30 Maana, nira niwapayo mimi ni laini, na mzigo wangu ni mwepesi."

Mwanzo 2:7 Bwana Mungu akamfanya mtu kwa mavumbi ya ardhi, akampulizia puanipumzi ya uhai; mtu akawa nafsi hai.

Mwanzo 34:2,3,8 Shekemu, mwana wa Hamori, Mhivi, mkuu wa nchi, akamwona akamtwa, akalala naye, akambikiri. 3 Moyo wake ukaambatana na Dina binti Yakobo, akampenda huyu msichana, akasema na huyu msichana kwa maneno mazuri. 8 Hamori akasema nao, akinena, Roho ya Shekemu, mwanangu, inamtamani binti yenu, tafadhalini, mpeni amwoe.

Hesabu 21:4 Wakasafiri kutoka mlima wa Hori kwa njia ya Bahari ya Shamu; ili kuizunguka nchi ya Edomu, watu wakafa moyo kwa sababu ya ile njia.

Kumbukumbu la Torati 4:29 Lakini huko, kama mkimtafuta Bwana, Mungu wako, utampata, ukimtafuta kwa moyo wako wote, na roho yako yote.

WaAmuzi 16:16 Ikawa, kwa vile alivyomsumbu kwa maneno yake kila siku, na kumwudhi, roho yake ikadhikika hata kufa.

1 Samweli 18:1 Ikawa Daudi alipokwisha kusema na Sauli, roho ya Yonathani, ikaambatana na roho ya Daudi, Yonathani akampenda kama roho yake mwenyewe.

1 WaFalme 1:29 Naye mfalme akaapa, akasema, Bwana aishivyo, aliyenikomboa roho yangu katika shida zote,

2 WaFalme 4:27 Ndipo akamtwa mwanawe wa kwanza, ye ye ambaye angetawala mahali pake, akamtoa awe sadaka ya kuteketezwa juu ya ukuta. Kukawa hasira kuu juu ya Israeli; basi wakatoka kwake, wakarudi kwenda nchi yao wenyewe.

Ayuba 7:11 Kwa hiyo sitakizuia kinywa changu; Nitanena kwa mateso ya roho yangu; Nitalia kwa uchungu wa nafsi yangu.

Ayuba 14:22 Lakini mwili ulio juu yake una maumivu, Na nafsi yake ndani huomboleza.

Ayuba 19:2 Je! Mtanichukiza nafsi yangu hata lini, Na kunivunja-vunja kwa maneno?

Ayuba 27:2 Kama aishivyo Mungu, aliyeniondolea haki yangu; Huyo Mwenyezi aliyeitesa nafsi yangu;

Ayuba 30:25 Je! Mimi sikulia kwa ajili ya huyo aliyekuwa katika taabu? Nafsi yangu, je! Haikusononeka kwa ajili ya wahitaji?

- Zaburi 6:3,4 Na nafsi yangu imefadhaika sana; Na Wewe, Bwana, hata lini? 4
Bwana urudi, uniopoe nafsi yangu, Uniokoe kwa ajili ya fadhili zako.**
- Zaburi 7:1,2 Bwana, Mungu wangu, nimekukimbilia Wewe, Uniokoe na wote
wanaonifuatia, uniponye. 2 Asije akaipapura nafsi yangu kama simba,
Akiivunja-vunja pasipokuwa na wa kuponya.**
- Zaburi 17:13 Ee Bwana, usimame, umkabili, umwinamishe, Kwa upanga wako
uniokoe nafsi na mtu mbaya.**
- Zaburi 23:3 Hunihuisha nafsi yangu; na kuniongoza Katika njia za haki kwa
ajili ya jina lake.**
- Zaburi 25:20 Unilinde nafsi yangu na kuniponya, Nisiaibike, maana
nakukimbilia Wewe.**
- Zaburi 33:19 Yeye huwaponya nafsi zao na mauti, Na kuwahuisha wakati wa
njaa.**
- Zaburi 34:22 Bwana huzikomboa nafsi za watumishi wake, Wala
hawatahukumiwa wote wamkimbiliao.**
- Zaburi 35:12,13 Wananolipa mabaya badala ya mema, Hata nafsi yangu
ikaingia ukiwa. 13 Bali mimi, walipouga wao, Nguo yangu ilikuwa gunia.
Nalijitesa nafsi yangu kwa kufunga; Maombi yangu yakarejea kifuani
mwangu.**
- Zaburi 41:4 Nami nalisema, Bwana, unifadhili, Uniponye roho yangu maana
nimekutenda dhambi.**
- Zaburi 42:5,11 Nafsi yangu, kwa nini kuinama, Na kufadhaika ndani yangu?
Umtumaini Mungu; Kwa maana nitakuja kumsifu, Aliye afya ya uso wangu,
Na Mungu wangu. 11 Nafsi yangu, kwa nini kuinama, Na kufadhaika ndani
yangu? Umtumaini Mungu; Kwa maana nitakuja kumsifu, Aliye afya ya uso
wangu, Na Mungu wangu. (Zaburi 42:6,11; 43:5)**
- Zaburi 56:13 Maana umeniponya nafsi yangu na mauti; Je! Hukuiuzuia miguu
yangu isianguke? Ili nienende mbele za Mungu Katika nuru ya walio hai.**
- Zaburi 69:10 Nilipolia na kuiadhibu roho yangu kwa kufunga, Ikawa laumu juu
yangu.**
- Zaburi 69:18 Uikaribie nafsi yangu, uikomboe, Kwa sababu ya adui zangu
unifidie.**
- Zaburi 86:13 Maana fadhili zako kwangu ni nyingi sana; Umeiopoa nafsi
yangu na kuzimu.**
- Zaburi 97:10 Enyi mmpendao Bwana, uchukieni uovu; Huwalinda nafsi zao
watauwa wake, Na kuwaokoa na mkono wa wasio haki.**
- Zaburi 107:9 Maana hushibisha nafsi yenyе shauku, Na nafsi yenyе njaa
huijaza mema.**
- Zaburi 116:4 Nikaliitia jina la Bwana. Ee Bwana, nakuomba sana, Uniokoe
nafsi yangu.**
- Zaburi 116:8 Maana umeniponya nafsi yangu na mauti, Macho yangu na
machozi, Na miguu yangu na kuanguka.**

Zaburi 119:28 Nafsi yangu imeyeyuka kwa uzito, Unitie nguvu sawasawa na neno lako.

Zaburi 120:2 Ee Bwana, uiponye nafsi yangu Na midomo ya uongo na ulimi wa hila.

Zaburi 121:7 Bwana atakulinda na mabaya yote, Atakulinda nafsi yako.

Zaburi 124:7 Nafsi yetu imeokoka kama ndege Katika mtego wa wawindaji, Mtego umevunjika, nasi tumeokoka.

Zaburi 138:3 Siku ile niliyokuita uliniitikia, Ukanifariji nafsi kwa kunitia nguvu.

Mithali 6:32 Mtu aziniye na mwanamke hana akili kabisa; Afanya jambo litakalomwangamiza nafsi yake.

Mithali 22:25 Usije ukajifunza njia zake; Na kujipatia nafsi yako mtego.

Yeremia 20:13 Mwimbieni Bwana; msifuni Bwana; Kwa maana ameiponya roho ya mhitaji Katika mikono ya watu watendao maovu.

Yeremia 31:25 Kwa maana nimeishibisha roho yenyenye uchovu, nami nimeiridhisha kila roho yenyenye huzuni.

Ezekieli 13:20,21 Basi Bwana MUNGU asema hivi; Tazama, mimi ni kinyume cha hirizi zenu, ambazo kwa hizo mnaziwinda roho za watu kama ndege, nami nitazitoa katika mikono yenu kwa nguvu; nami nitaziachilia roho zile mnazoziwinda kama ndege. 21 Na leso zenu nazo nitazirarua, na kuwaokoa watu wangu katika mikono yenu, wala hawatakuwa katika mikono yenu tena kuwindwa; nanyi mtajua ya kuwa mimi ndimi Bwana.

Matayo 10:28 Msiwaogope wale wauao mwili, lakini hawawezi kuiua roho. Afadhalii zaidi kumwogopa yule awezaye kuuangamiza mwili pamoja na roho katika moto wa Jehanamu.

Matayo 16:26 Lakini mtu anayeyapoteza maisha yake kwa ajili yangu, atayapata. Je, mtu atafaidi nini akiupata utajiri wote wa ulimwengu na hali amepoteza maisha yake? Au, mtu atatoa kitu gani kiwe badala ya maisha yake? (Marko 8:36,37)

Matayo 22:37 Yesu akamjibu, "<Mpende Bwana Mungu wako kwa moyo wako wote, kwa roho yako yote na kwa akili yako yote.>

Matayo 26:38 Hapo akawaambia, "Nina huzuni kubwa moyoni hata karibu kufa. Kaeni hapa mkeshe pamoja nami." (Marko 14:34)

Marko 12:30 Mpende Bwana Mungu wako kwa moyo wako wote, kwa roho yako yote, kwa akili yako yote na kwa nguvu zako zote.>

Luka 12:20 Lakini Mungu akamwambia: <Mpumbavu wewe; leo usiku roho yako itachukuliwa. Na vitu vile vyote ulivyojilundikia vitakuwa vya nani?">

Luka 21:19 Kwa uvumilivu wenu, mtayaokoa maisha yenu.

Yohana 12:27 "Sasa roho yangu imefadhaika, na niseme nini? Je, niseme: <Baba, usiruhusu saa hii inifikie? Lakini ndiyo maana nimekuja--ili nipite katika saa hii.

Matendo Ya Mitume 14:22 Waliwaimarisha waumini wa miji hiyo na kuwatia

moyo wabaki imara katika imani. Wakawaambia, "Ni lazima sisi sote tupitie katika taabu nyingi ili tuingie katika ufalme wa Mungu."

Matendo Ya Mitume 15:24 Tumesikia kwamba watu wengine kutoka huku kwetu waliwavurugen kwa maneno yao, wakaitia mioyo yenu katika wasiwasi. Lakini wamefanya hivyo bila ya idhini yoyote kutoka kwetu.

1 WaKorintho 15:45 Maana Maandiko yasema: "Mtu wa kwanza, Adamu, alikuwa kiumbe mwenye uhai;" lakini adamu wa mwisho ni Roho awapaye watu uzima.

1 WaThesalonike 5:23 Mungu anayetupatia amani awafanye ninyi watakatifu kwa kila namna na kuzilinda nafsi zenu--roho, mioyo na miili yenu--mbali na hatia yoyote wakati wa kuja kwake Bwana wetu Yesu Kristo.

WaEbrania 6:19 Tunalo tumaini hilo kama nanga ya maisha yetu. Tumaini hilo ni imara na thabiti, nalo lapenya lile pazia la hekalu la mbinguni mpaka patakatifu ndani.

WaEbrania 10:39 Basi, sisi hatumo mionganoni mwa wale wanaorudi nyuma na kupotea, ila sisi tunaamini na tunaokolewa.

Yokobo 1:21 Kwa hiyo, tupilieni mbali mwenendo mchafu na tabia zote mbovu; jiwekeni chini ya Mungu na kupokea ule ujumbe uliopandwa miyoni mwenu, ambao waweza kuziokoa nafsi zenu.

Yokobo 5:20 fahamuni kwamba, huyo anayemrudisha mwenye dhambi kutoka njia yake ya upotovu, ataiokoa roho yake kutoka kifo, na dhambi nyingi zitaondolewa.

1 Petro 1:9 kwa sababu mnapeka wokovu wa roho zenu ambao ni lengo la imani yenu.

1 Petro 1:22 Maadamu sasa, kwa kuutii ukweli, ninyi mmezitakasa roho zenu na kuwapenda wenzeni bila unafiki, basi, pendaneni kwa moyo wote.

1 Petro 2:11 Wapenzi wangu, nawasihi ninyi kama wageni na wakimbizi hapa duniani! Achaneni na tamaa za mwili ambazo hupingana na roho.

1 Petro 4:19 Kwa hiyo, wale wanaoteseka kufuatana na matakwa ya Mungu, wanapaswa, kwa matendo yao mema, kuijweka chini ya Muumba wao ambaye ni wa kuaminika kabisa.

2 Petro 2:7,8 Alimwokoa Loti, mtu mwema, ambaye alisikitishwa sana na mwenendo mbaya wa watu hao waasi.

2 Petro 2:8 Loti aliishi mionganoni mwa watu hao, na kwa siku nyingi moyo wake ulikuwa katika wasiwasi mkuu aliposikia matendo yao maovu.

3 Yohana 1:2 Mpenzi wangu, nakutakia mafanikio mema ya kila aina; nakutakia afya njema ya mwili kama ulivyo nayo rohoni.